



Claudii Fleurii Abbatis Historia Ecclesiastica

Ab Anno 313. Usque Ad Annum 361

Fleury, Claude

August. Vind. [u.a.], 1758

VD18 90117778

§. 3. Dedicatio Ecclesiæ Tyriensis.

[urn:nbn:de:hbz:466:1-66022](#)

Constantinus Ludos Sæculares non Sæculum IV.
celebravit, quorum tempus in annum, A. C. 313.
quo cum Licinio tertio Consul erat, id est, *Zosim. l. 2.*
JESU Christi 313. incidebat; quod Gen-*p. 671.*
tilibus ansam præbuit dicendi, omnia ma-*An. 313.*
la, quæ exinde evenerunt, ab irratis hac
omissione Diis fuisse immissa. Idem an-
nus 313. primus fuit Indictionum, quæ
24. Sept. anni præcedentis 312. incep-
rant. Harum certa origo non est; No-*Pagi an.*
men significat tributi impositionem. Ve-*312. n. 20.*
rosimile est, non aliud tributum signifi-*Cir. Pasch.*
casse, quam illud, quod a Provinciis ad*p. 181.*
alendum militem exigeretur, singulis an-*Baron. an.*
nis ante hiemem fuisse redditum, sicut
apud nos annua pensio solet, ideo autem
anni decimi quinti rationem habitam,
quod Romani milites totidem annis ex-
peditionibus bellicis interesse tenerentur.
Hic Indictionum initium notari non abs-
re putavimus, quia hodiecum in stilo Ec-
clesiastico earum usus est.

§. III.

Dedicatio Ecclesiæ Tyriensis.

Inter Ecclesias recuperata libertate repa-
ratas Tyriensis numeratur, cuius de-
scriptionem particularem habemus. Pau-
linus huic Ecclesiæ præerat, qua, sicut &
de omnibus aliis imperatum fuerat, de-
structa, Gentiles, ut ipsum locum vilem

A 3 red-

Sæculum IV. redderent, omnis generis immunditias il-
A. C. 313. luc congefferant. Quamvis vero alias
locus ædificando templo aptus facile in-
veniri potuisset, maluit tamen Paulinus
hunc ipsum purgari, ut Gentilibus eo clari-
rior appareret Religionis victoria; omnes
ergo Fideles pia æmulatione operam jun-
xere, omnes manum operi, & primus
omnium Episcopus admoverunt, atque
novum hoc ædificium amplitudine, &
Magnificentia, quod prius eversum fue-
rat, multum superavit. Nullius Ecclesiæ
antiquioris formam descriptam inveni-
mus; at quas videmus illis temporibus
proximas, ita huic similes sunt, ut ab uno
exemplari desumptæ videantur, & inde
templorum formas longe antiquiori ori-
gine esse, dispicitur. Hæc ergo Tyrien-
sis Ecclesiæ forma fuit; muri continui am-
bitus locum sacrum circumdabat, in quem
per magnam portam versus Orientem in-
gressus patebat, ita in altum porrectam, ut
Infideles omnes ad accessum invitare vi-
deretur. Primus aditus erat in atrium ma-
gnum quadratum, quod quatuor porticus
columnis innixi cingebant, id est, Peristy-
lum, columnæ ligneis cancellis jungeban-
tur, erantque porticus clausi quidem, sed
insipientibus patuli. Ibi, qui primis fi-
dei rudimentis imbuendi erant, consiste-
bant; in media area contra ingressum Ec-
clesiæ fontes erant, abundantissimas aquas
fun-

fundentes, ut ingressuri lavarentur, essent- Sæculum IV.
que spiritualis purificationis symbola. Per A C 313.
istud atrium accendentibus portæ tres pa-
tebant in Ecclesiam, earum media duabus
aliis multo altior, & latior, cujus postes
ex cupro, ferreis nexibus, eleganti scul-
ptura ornabantur. Per hanc majorem in
partem Ecclesiæ inferiorem, & oblongam
intrabatur, & per duas alias in ambula-
cra collateralia, quibus desuper fenestræ,
transennis ligneis scitissime elaboratis
clausæ, præter varia ornamenta erant.
Nam in Regionibus calidis vitrorum usus
non est.

Magna erat Basílica, & præalta, multo
altioribus columnis, quam Peristylum, ni-
xa. In interiora multa lux incidebat; ubi-
que materia, & opus de pretio certare vi-
debantur. Pavimentum ex marmore, ar-
tificiose distinctum. Parietes ex Cedro,
quam ex vicino Libano attulerant. In su-
prema parte throni, id est, sedes altissimæ
visebantur, Presbyteris, medioque inter
eos Episcopo paratæ; hæ medio circulo
retrorsum altare cingebant, ita ut, cum
oraret Episcopus, faciem ad populum, &
Orientem verteret. A Sanctuarii aditu Ecclesia
populus clathris ligneis, quos sculptilia Tyriensis.
elegantissimi operis decorabant, prohibe-
batur; sedilia pulcherrimo ordine dispo-
sita Basilikam implebant. Foris spatiose-
simi porticus, aliæque ædificii partes ex

A 4 utro-

Sæculum IV. utroque latere visebantur, tum Catechu-
A. C. 313. menorum instructioni, tum conferendo
Baptismo destinatæ; ad has ædium sacra-
rum partes spectant Diaconia, Sacristia,
aula, ubi omnes excipiebantur, qui loqui
Episcopo, aut Presbyteris vellent, & alia
quæ apud Ecclesias constructa leguntur.
Ex his inferius in Basilicam aditus erat
utraque ex parte. Ita Ecclesia cum ædi-
bus, ad eam pertinentibus, muro circum-
ducto ab omnibus locis profanis separa-
batur.

In Dedicatione hujus Ecclesiæ Tyrien-
Eus. X. hist. sis Eusebius Episcopus Cæsariensis in Pa-
e. 3. lœstina Panegyrin peroravit coram fre-
quenti populo, multis Episcopis præsentibus,
ad quos sermonem direxit, præcipue
vero Paulinum hujus urbis Episcopum, se-
nior venerabilem, & in paucis amicum sibi
charum. In hunc modum exorditur:
O vos amici Dei, & Pontifices! qui san-
ctam tunicam, & cœlesti Gloriæ coronam
gestatis, qui unctione Divina redoletis, &
veste Sacerdotali Spiritus S. induiti estis!
Hæc verba indicare videntur, quodam or-
namento sibi proprio Episcopos, saltem in
templis, jam tunc suis distinctos, idque
confirmatur ex eo, quod sæpe de eorum
corona mentio redeat. Fusius deinde
Divina prodigia deprædicat, quæ sibi jam
non amplius Patrum suorum narratione
essent cognita, sed propriis oculis con-
specta

specia; tum statum Persecutionis depin-Sæculum IV.
git, laudatque JESU Christi potentiam, A. C. 313.
qui Ecclesiæ suæ, resistentibus, & ringen-
tibus omnibus mundi potestatibus, quo-
tidie incrementa addidit; barbaras na-
tiones ferocitate indomabiles mansuefe-
cit, suumque Imperium ad ultimos orbis
terrarum fines dilatavit. Tanquam mi-
raculum, omnium maximum, atque ha-
cenus inauditum affert, quod ipsi Impe-
ratores verum Deum agnoscant; ex hoc
colligitur hanc orationem ab Eusebio il-
lo tempore dictam, quo Constantini, &
Licinii amicitia adhucdum constabat, de
iis enim Imperatoribus loquitur, qui nu-
per ab impiorum Principum Tyrannide
orbem liberaverant.

§. IV.

Eusebii Præparatio Evangelica.

Circa idem tempus Eusebius magnum VII. hist.
illud opus suum scripsit de præpara- c. 32.
tione, & demonstratione Evangelii, Theo- Eus. præp.
doto inscriptum, quem Episcopum Lao- lib. I. init.
dicenum in Syria, & cuius elogia suæ Historiæ Eusebius immiscet, fuisse cre-
dunt. Est istud opus, corpus Contro-
versiæ integrum, ut contra Paganos, &
Judæos ostendat, Christianos non fide
cœca, & temeraria credulitate Evange-
lium recepisse, sed post examen serium,

A 5 solidis